

Morning Dogri (NSD) National News Bulletin 18-02-2025

आकाशवाणी

- प्रधानमंत्री नरेन्द्र मोदी होर अज्ज नमीं दिल्ली च कतर दे अमीर हुंउे कन्नै गल्लबात करगंन।
- गनेश कुमार होरें गी नमां मुख् चनां कमीशनर ते डॉ. विवके जोशी होरें गी नमां चनां कमीशनर नियुक्त कीता गेआ ऐ।
- गृहमंत्री अमित शाह होरें जम्मू कश्मीर च अपराधिक कनूनें दी अमलावरी दी स्थिति दा जायजा लैंगन।
- परीक्षा पे चर्चा 2025 दा नमीं किश्त अज्ज जारी कीती जाग जेह्दे च टाप्पर मतेयाने दे दबाह् कन्नै निबड़ने दे उपाह् सांझे करगंन।
- एफआईएच प्रो लीग हॉकी प्रतियोगिता च अज्ज भारत दी मर्दे दी टीम दा मकाबला स्पेन कन्नै भुवनेश्वर च होग।

<><><><><><>

Qatar Amir

प्रधानमंत्री नरेन्द्र मोदी होर कतर दे अमीर शेख तमीम बिन हमद अल थानी हुंउे कन्नै अज्ज नमीं दिल्ली च गल्लबात करगंन। प्रधानमंत्री ते अमीर हुंउे बश्कार गल्लबात भारत ते कतर बश्कार दपक्खी सरबंघे दे बक्ख-बक्ख पैह्लुएं पर आधारत होग। शेख तमीम हुंदा अज्ज राष्ट्रपति भवन च विधिवत सुआगत कीता। अपने दोरे दरान अमीर होर राष्ट्रपति द्रौपदी मुर्मू हुंउे कन्नै बी गल्लबात करगंन। शेख तमीम होर अपने दऊं दिनें दे दौरे लेई कल नमीं दिल्ली पुज्जे हे। उंदे कन्नै इक उच्च स्तरीय शिष्टमंडल बी आए दा ऐ जेह्दे च मंत्री, वरिष्ठ एहलकार ते कारोबारी शामिल न।

<><><><><><>

ECI-CEC Appointed

चुनां कमीशनर गणेश कुमार होरें गी नमां मुख् चनां कमीशनर नियुक्त कीता गेआ ऐ की जे राजीव कुमार हुंदा मुख् चनां कमीशनर दे तौरा पर कार्यकाल अज्ज समाप्त होआ'रदा ऐ।

गणेश कुमार होर केरल थमां 1988 बैच दे आईएस अधिकारी न। उनें संसदीय मामले सरबंधी मंत्रालय च सचिव दे औहदे उप्पर बी अपनियां सेवां दित्ती दियां न। डॉ. विवके जोशी होरें गी नमां कमीशनर नियुक्त कीता गेदा ऐ। ओह हरियाणा थमां 1989 बैच दे आईएस अधिकारी न। राष्ट्रपति द्रौपदी मुर्मू होरें दौनें अधिकारिणं गी नियुक्त कीता ऐ।

<><><><><><>

HM JK Criminal Laws

केन्द्री गृह मंत्री अमित शाह होर अज्ज जम्मू कश्मीर दे उपराज्यपाल मनोज सिन्हा ते मुखमंत्रि उमर अब्दुल्ला हुंदी मजूदगी च केन्द्र शासत प्रदेश च नमें अपराधिक कनूनें दी अमलावरी दी स्थिति दी समीक्षा करगंन। इस बैठका च मुख तौरा पर ध्यान पुलस, जेलें, अदालतें, कनूनी कारवाइएं ते फोरेंसिक जांच सरबंधी बवस्थाएं दी मजूदा स्थिति पर केन्द्रित रौहग। टकोहदा करियै नमें कनूनें दी पछोकड़े च जिंदे च 2023 आली भारतीय न्याह संहिता बीएनएस 2023 आली भारतीय नागरिक सुरक्षा संहिता बीएनएसएस ते 2.23 आली गै भारतीय साक्षय अधिनियम बीएसए शामिल न, जेहड़े पैहले आले आईपीसी, सीआरपीसी ते भारतीय साक्षय कनून दी थाहर लागू कीते गे न। इस बैठक च केन्द्र ते जम्मू कश्मीर सरकारै दे बड़डे अधिकारी बी मजूद रौहगन।

<><><><><><>

NAKSHA-Land Record

ग्रामीण विकास मंत्रालय राष्ट्रीय भू-स्थानिक ज्ञान आधारित शैहरी आवास भूमि सर्वेक्षण "नक्शा" दी शुरूआत 26 राज्यें ते 3 केन्द्र शासत प्रदेशों दे 152 शैहरी मकामी निकाए च कीती जाग। मध्यप्रदेश थमां ग्रामीण विकास मंत्री शि वराज सिंह चौहान होर एहदी शुरूआत करगंन। ग्रामीण विकास राज्य मंत्री चन्द्रशेखर परमासानी ते मध्यप्रदेश दे मुखमंत्रि डॉ. मोहन यादव होर बी मजूद रौहगन।

<><><><><><>

PM-PPC

अज्ज परीक्षा पे चर्चा 2025 दा नमां संस्करण जारी कीता जाग। इस संस्करण च स्कूली बच्चें च मतेयानें दे तनाह, चिंता गी दूर करने ते दबाह च शांत रौहने बारे बक्ख-बक्ख बोर्ड मतेयानें दे केई टापर बच्चें दे बचार ते सुझाह सांझे कीते जांगन।

सोशल मीडिया पर एहदा वीडियो सांझा करदे होई प्रधानमंत्री नरेन्द्र मोदी होरें आखेआ जे परीक्षा पे चर्चा दे इस संस्करण च परीक्षा योद्धा अपने अनुभव सांझा करगंन ते दस्सगंन जे कियां उनें परीक्षा दे तनाह ते चिंता गी सफलतापूर्वक दूर कीता।

<><><><><><>

IT-DBIM

इलैक्ट्रानिक्स ते सूचना प्रौद्योगिकी मंत्रालय आस्सेआ अज्ज नमीं दिल्ली च डिजीटल ब्रांड पंछान मैनुअल डीबीआईएम जारी कीता जाग। एहदे राएं सरकारी वेबसाईट ते डिजीटल प्लेटफार्म च इक रूपता आनने दा जतन कीता जा'रदा ऐ। डीबीआईएम डिजीटल पंछान दे प्रमुख तत्वे गी परिभाषित करदा ऐ जेहदे च दृश्य पंछानना शामिल ऐ। एहदे च पंछान लोगो रंग पैलेट, टाइपोग्राफी ते इमेजरी दे कन्ने कन्ने ग्रांड वॉय, मैसेजिंग फ्रेमवर्क ते टैगलाइन जनेह तत्वे गी शामिल कीता गेआ ऐ। इनें दिशा निर्देशों दा मकसद नागरिक सहभागिता गी बधाना ते सेवा विजरण च इस्तेमाल करने आले दे अनुभव गी बेहतर बनाना ऐ। डीबीआईएम दा मुख्य मकसद भारत सरकार आस्तै एकीकृत ते सुसंगत डिजीटल ब्रांड बनाना ऐ। अज्ज नमीं दिल्ली च पैहला मुख्य सूचना आयुक्त सम्मेलन 2025 बी आयोजित कीता जाग।

<><><><><><>

FIH

एफआईएच प्रो लीग हाकी परियोजना च अज्ज मर्दे दी भारत दी टीम दा मकाबला जर्मनी ते महिला टीम दा मकाबला स्पेन कन्ने भुवनेश्वर च कलींगा हाकी स्टेडियम च खेड्डेआ जाग। मैच संजा साढे 7 बजे शुरू होग। तोआई भारतीय महिला टीम दा मकाबला स्पेन कन्ने होग। एह मैच सवा 5 बजे शुरू होग।

<><><><><><>

BCCI

भारतीय क्रिकेट कंट्रोल बोर्ड बीसीसीआई नै औंदी चैंपियंस ट्रॉफी 2025 आस्तै मर्दे छम् टीम दी जर्सी दा अनावरण कीता ऐ।

सोशल मीडिया पोस्ट च बीसीसीआई नै भारतीय खडारिणं दी जर्सी दस्सदे होई तस्वीरां सांझियां कीतियां न। रोहित शर्मा हुंदी अगुवाई आली टीम अपनी सिग्नेचर ब्लू जर्सी नजरी आंग।

<><><><><><>

National Para

23मीं राष्ट्रीय पैरा एथलैटिक्स चैंपियनशिप कल चेन्नई दे ज्वाहरलाला नेहरू स्टेडियम च शुरू होई। एह् प्रतियोगिता 20 फरवरी तगर चलोग। पैरा एथलैटिक्स चैंपियनशिप च मुख्य भरै थमां इक ज्हार 476 पैरा एथलीट हिस्सा लै'रदे न। 30 टीमां इक सौ 55 मकाबलें च हिस्सा लै'रदियां न। देवेन्द्र झाझरिया हुंदी अगुवाई आली भारतीय पैरालंपिक समिति ते चन्द्रशेखर राजन हुंदी अगुवाई आली तमिलनाडू पैरालंपिक स्पोर्ट्स एसोसिएशन दे जतनें राएं इसी आयोजित कीता जा'रदा ऐ।

<><><><><><>